



REPUBLIKA E SHQIPËRISË  
BASHKIA VLORË  
KOORDINATORI PËR NJOFTIMIN DHE KONSULTIMIN PUBLIK

Nr. 1313/14 Prof

Vlorë, më: 30. 10 2023

PROCESVERBAL KONSULTIM PUBLIK

RAJONI I

DATË 12.10.2023 Ora: 16:30

**Tema: Konsultimi i Buxhetit afatmesëm 2024-2026 dhe planifikimi për projektbuxhetin e vitit 2024 për Bashkinë Vlorë**

**Baza Ligjore:** Në zbatim të ligjit nr.139/2015 “Për vetqeverisjen vendore” neni 18; ligjit nr.119/2014 “Për të drejtën e informimit”, ligjit nr.146/2012 “Për njoftimin dhe konsultimin publik” pika 1 dhe 2 neni 5, pika 1,2,3,4 neni 52; Rregullores e Organizimit dhe Funkcionimit të Bashkisë; si dhe Urdhrit nr.11769 datë 4.10.2023.

**Marrin pjesë:**

*Kryetari i Bashkisë Vlorë-z. Ermal Dredha, Kryetarja e Këshillit Bashkiak- znj.Elpinqi Mërkuri, Kryetari i Rajonit I- Arjon Cakeri, Sekretar i Këshillit Bashkiak-z.Daut Zeraj, anetar te keshillit bashkiak, Drejtori i buxhetit dhe finances-Hiqmet Haxhaj, sektori i tatim taksave. drejtorë të Administratës së Bashkisë Vlorë, përfaqësues nga komuniteti, përfaqësues nga biznese, Media dhe OJF locale,*

*(Në takim morrën pjesë më shumë se 34 persona, listeprezenca bashkangjitur)*

**Takimin e hapi Kryetari i Bashkisë Vlorë, z.Ermal Dredha: Përshendetje, të gjithëve!**

është takimi i pestë, po vijojmë me takimet në rajonet e qytetit pasi mbaruam 4 njësitë administrative, për të diskutuar mbi planifikimin e buxhetit afatmesëm 2024-2026 dhe projektbuxhetin e vitit 2024 për Bashkinë Vlorë. Do të vazhdojmë me takimet, që të kuptojmë ku janë problematikat dhe ku mund ti shërbejmë komunitetit, për të mbledhur çdo koment, sygjerim dhe diskutim tuajin përpara se të miratojmë projekt buxhetin e parashikuar.

Do e filloj me investimet që ka bërë Qeveria Shqiptare, jo nga bashkia, sheshi, qendra e qytetit.

Një lajm tjetër i mirë, në sajë të marrjes së investimeve, kemi marrë dakortësinë nga FSHZH, për investimin në 10 rrugë në këtë rajon., përfshirë dhe rrugën e spitalit. Kemi marrë dakortësinë për veshjen e pallateve, fasadën e gjithë pallateve. Kemi marrë dakortësinë, do fillojë shumë shpejt. Ujësjiellësi ka bërë ndërhyrje. Do të flasë zonja Elona, në lidhje me përfundimin e projektit të ujësjiellësit.

-Rruga e “Karabashit“, do bëhet asfaltimi, kanalizimet janë bërë.

-Brenda lagjes “Karabash”, mora dëgjimin nga qytetarë për një segment 200 m. Do ta shohim me FSHZH.

Jam këtu dhe për të dëgjuar ju. Edhe pjesa e vendosjes së koshave, do shohim dhe pjesën e brendëshme të lagjeve, do ti evidentojmë.



### Planifikimi për projektbuxhetin e vitit 2024 për Bashkinë Vlorë

**Për më shumë konsultoni linkun**

<https://fb.watch/nDKTbzfgmc/?mibextid=v7YzmG>

**Z.Hiqmet Haxhaj /DFBK** – Zhvillojmë këto dëgjesa publike për të marrë mendimin tuaj, për hartimin e projekt buxhetit për vitin 2024, PBA 2024÷2026.

Në Total – 2.659.506 (2 miliard e 659 milion)...

Grandi i pakushtëzuar – 710,738 milion e ...

Grandi specifik – 447,452 milion e ...

Të ardhurat nga burimet e veta - 1,501.312 miliard e ....

investimet – 377,748 mijë.....

shpenzimet: Në PBA, prioritet në Rajonin Nr 1, është rikonstruksioni i palestrës së shkollës “4 Heronjtë”

Ndërtimi i rrugëve, trotuarëve, -250 milion lekë, për gjithë rajonet, përfshirë këtu dhe Rajonin Nr 1. Këto janë disa nga treguesit kryesorë të buxhetit për vitin 2024.

Presim sygjerimet, mendimet tuaja. Fondi prej 250 milion lekë/reja për lulishte, rrugë, trotuarë, ku 1/5 = 50 milojnë për Rajonin Nr 1.



**Z.Ermal Dredha** – Projektioni?

**Z.Hiqmet Haxhaj** – dhe kërkesat e banorëve janë të rëndësishme, të shohim dhe të vendosim.

**Znj.Anjeza Shiko /DAV** – Nga pozicioni, Rajoni Nr 1, ka një numër të vogël të bizneseve. Realizimi shkon në 70% nga bizneset, të ardhura këto që kthehen në investime për qytetarët. Bashkia ka në fokus shërbimet për qytetarët.

**Znj.Elona Hodaj /SHAUK** - Është projekti, ka përfunduar. Është 1 familje që nuk na lejon për përfundimin e depos së ujit.

**Z.Edmond Leka /NDSHP**- Ka mungesë të kontenierëve. Do ti kërkojmë Këshillit të Bashkisë ti shtojmë.

**Z.Flamur Habilaj /banor** – Ne përfaqësojmë zonën mbi spital. Rruga që tha kryetari që do bëhet, na pëlqen. Zona mbi spital, problemi i ujit të pijshëm, duhet të vinte në muajin qershor. Infrastruktura, thuajse është e ngritur.

Rruga “ Bilbil Ceno”, infrastruktura është në rregull, vetëm asfalti mungon.

-Tek kinemaja , të merren masa , të dizinfektohet .

-Ndriçimi, mungojnë llampa në rrugën “Bilbil Ceno“. Është shqetësim nga komuniteti. Më pëlqen programi i buxhetit. Suksese!

**Z.Sami Likaj / banor** - Faleminderit që na mblodhët. Problem, është rruga tek shtëpia ime , të futet te legalizimet. Të vihet në urbanizim.

**Z.Ermal Dredha** – Projektioni me ndryshimin e tarifës së ujës-jellësit.

**Znj.Elona Hodaj** – Është bërë kërkesë për ndryshimin e çmimit të ujit të pijshëm. Janë shumë projekte, 100% në zbatim deri në fund të muajit dhjetor. Do të ketë rritje të çmimit të ujit, për kryerjen e këtyre investimeve. Jemi një nga qytetet e vetme me këtë çmim, do bëhet nga 45÷60 lekë.

**Meço /banor i lagjes “Hajro Çakërri”**- rruga “Herbert”, rreth 500 m, e pa bërë. Kanalizimet të shtruar, mungon vetëm asfalti.

**Ermal Dredha** – Do ta bëjmë, premtim për vitin 2024.

**Jeto Hajdini/banor** – Përballë ish kinemasë “Ali Demi”, përgëzime për organizimin dhe për eqjen e mbetjeve. Tek kinemaja, gropës me kallamishte i bëni derman.

**Ermal Dredha** – Nuk është prona jonë. E kemi pastruar.

**Jeto Hajdini** – Tek pallati nr 512, s’ka kanalizime, përmbytje nga shirat.

**Z.Geron Gunbardhi/Anëtar i KB** – U thatë për rritjen e çmimit të ujit, në lagjen ku s’ka ujë, do rritet çmimi.

-Në lagjen “Karabash” hapni rrugën të kalojnë.

-Lagjia “Partizani” që lidhet me lagjen “Llonxhë”, nuk ka ujë. Këto janë lagje të rajonit. Kthejuni shikoni pak, rrugët po zihen, përfshi dhe lagjen “Topana”. Nuk ka ndonjë afat të zhvillimit të punimeve.

-Tek sheshi para bashkisë, ndonjë zgjidhje për parkimin e furgonave. Janë bërë shumë punë, rrugë, të hapet rruga e trenit.

-Për ujin ...këto janë situatat. Sa do të rritet çmimi i ujit ?

**Znj.Elona Hodaj** – Në rang republike, jemi qyteti me çmimin më të ulët, nga 45 lekë do të bëhet 60 lekë.

**Znj.Edlira Kapllanaj /Anëtare e KB** – Falënderoj gjithë pjesëmarrësit. Faleminderit që mbajtët premtimin elektoral në buxhet, për rikonstruksionin e palestrës në shkollën “4 Heronjtë”, është në dobi të rinisë.

-Përshpejtoni projektin e ujit të pijshëm, në lagjen “Llonxhë”

**Znj.Elona Hodaj** – Jemi takuar dhe me firmën, pengesë është një qytetar, i cili pengon projektin për bërjen e depos.

**Z/ banor i rajonit** – Jemi 17 familje kemi shumë problem pusetat. I kemi bërë kanalizimet vet.

**Znj.Elona Hodaj** – Vetëm po të bëhet projekti, ne nuk jemi për investime, vetëm për riparime.

**Z.Devoll Likaj / banor** – Rruga në zonën e Kuzum Babasë, kanë vënë një tubo, familja Duka, që kur ishte firma “Duka” që derdhen ujrato. Kam kërkuar të hiqet tubua, ka ngelur e mbuluar ...Mbytemi, është një kanal rreth 8 m.

**Z.Zambak Selmani /DIIP-** Është investim i ujësjellësit, jo i bashkisë, dhe as nuk e monitorojmë ne. Unë monitoroj, investimet e bashkisë, jo të ujësjellësit.

**Znj. Elona Hodaj** – Zoti Devoll, familja Duka ka bërë një kanal. Ujësjellësi ka shkuar, e zgjidhëm..., Adhurimi nuk pranon ta heqë. Është çështje midis zotërinjve Adhurim dhe Devoll.

**Z.Ermal Dredha** – Do ta zgjidhim.

**Z.Simbol Pazaj/Anëtar i KB** – Faleminderit për takimet që organizoni.

Besoj se anëtarët e stafit tuaj, do ndajnë të njëjtin shqetësim për zonën e Çimentos, pjesa më e pazënë me dorë. Kam 2 herë përgjegjësi. Nuk do më vinte mirë mos të vihej në buxhetin e vitit 2024 kjo zonë me shumë problematika si, rrugët, trotuarët, ndriçimi, uji i pijshëm.

**Z.Qemal Kasaj /banor** Lagjia “Partizani” - Po flitet për infrastrukturë. Gjatë fushatës na u premtua, për një urë, të bashkohet lagjia. Tek fundi i rrugës “Bilbil Ceno” është një përrua.

ndriçimi, disa shtylla nuk janë vendosur.

at e bardha nga rruga e trenit, më vijnë tek dera. Nuk kam marr zgjidhje.

bëhet një fushë me rrjetë për të rinjtë, të merren me sport.

**Ermal Dredha** – Mos keni zaptuar ndonjë tokë, e keni legalizuar. Do shohim ku ka hapsira të  
gjera, do shohim mundësinë për të bërë lulishte, ndonjë fushë sporti...

**Zaim Bergaj /banor** – Rruga e vajgurit është shumë problem, pa ndriçim, është rruga “Sofi  
për hapin e ri”

**Ermal Dredha** – Ka gjendje, pa pritur buxhetin. Ka llampa, javën tjetër me ndriçim.

**Banor /Rruga “Herbert”**- Bëri projektin ujësjellësi, rrugët kanë ngelur të prishura, tubat  
në rrugë. S’është vënë dorë.

**Zonjë/banore e rajonit** – Për arsimin, faleminderit që po zbatohet projekti për palestrën e shkollës  
“4 Heronjtë”. Ka shumë fëmijë të talentuar, presin përfundimin e palestrës. Është arsimi një herë,  
për të gjithë shqetësimeve të tjera.

**Z. Ermal Dredha** - Pak a shumë i dimë shqetësimet. Janë të shumta. Ne do fillojmë një nga një,  
me ato më të prekshmet, sa kemi mundësi deri në fund të mandatit. Ato që janë të prekshme, me fondë  
të vogla. Palestra do të bëhet vitin e ardhshëm. Kemi bërë rikonstruksionin e palestrës së shkollës  
“Lef Sallata“, nga përvoja, ndryshon zbatimi i projektit..

Rrugët e brendshme të lagjeve, do të bëhen sipas mundësive.

-Projektet për mbylljen e rrugëve, do ti ndjek vet me kompaninë...Pak a shumë, na keni në  
dispozicion. Jemi për shërbim në komunitet. Çdo kërkesë nga ju, do të shkojë në çdo drejtori, kemi  
të pranishme dhe zonjën Irena, zëvendëskryetaren e bashkisë. Jemi në dispozicionin tuaj.

Shpresoj të bëj më të mirën për ju në vazhdim.

Faleminderit!

**Konceptoi:** Albana Naçi



**Koordinatorë për Njoftimin dhe Konsultimin Publik**

**Bashkia Vlorë**